

ehen/so lieblich seyn/ die kräftig seyn/ die penetrabilia vnd durchdringend seyn/ die schwere Kranckheit in einem Augenblick/so zusagen/vnd in einer kurzen Zeit verändern vnd vertreiben können: Da andere vnfaubere/rohhe/nicht wolzubereite Arzney etliche Stund/ ja etliche Tage vnd Monat haben müssen/ ehe vnd zuvor sie von dem francken Magen/ von der schwachen Leber/ von der gebrechlichen natürlichen Hiß vollkommen verändert vnd verdawet werden können.

Vnd biß anhero haben wir gehandelt vom ersten Theil vnser Ermahnung: nemlich von gebührlichen der Arzneyen beyd Præparation vnd Administration, Nothwendigkeit: Nun wollen wir in Gottes Namen zum andern Stück schreiten/ vnd dem günstigen Leser von demselben vnser Iudicium vnd Meynung/ kürzlich vnd deutlich zuversiehen geben.

So viel aber der Arzney der alten Præparation, welche mehrentheils in den Apotecken teutscher Nation vnd in andern Landen/ heut zu tag noch gehalten wirdt/ anbelangt: ehe vnd zuvor wir davon schreiben vnd handeln/ vnd gleich als mit einem außgereckten Finger/ was darinn sträfflich vnd zuverändern sey/ anzeigen werden: Ist zuwissen/ daß ratione formæ zweyerley Arzneyen können verordnet werden/ nemlich LIQUIDA ET SOLIDA, das ist/ so flüssig vnd feucht/ oder vnflüssig vnd trucken seyn. Vnder die flüssigen gehören Decoctiones oder gesottene Tränck/ destillirte Wasser/ Syrup/ Zulep/ gemischte Del vnd dergleichen. Zu den vnflüssigen können gereferiert vnd gezogen werden/ die Pulueres vnd Species (wie man sie nennt) die Electuaria oder Latwergen/ die Pillen/ die Salben/ die Pflaster vnd andere/ welche wir ordentlich auff der Wichtschalen der Vernunft überschlahen/ vnd was vnser Meynung davon sey/ mit wenig Worten anzeigen/ vnd erklären wollen. Was nun vns erst/ ihre Decocta vnd Träncke so sie kochen/ antrifft/ ist mir das nicht ein herliche Præparatio? daß man die Saamen/ Wurckeln/ Rindden vnd dergleichen dura ac solida corpora, beynach vngewundt/ vnsgeschnitten vnd vngestossen in ein küpffern oder messings Gefäß geschwinde wirfft/ läßt dasselb weit offen stehen/ damit die Spiritus vnd Geister/ darinn die beste Krafft gelegen/ desto besser nach dem Himmel zuzwischen vnd fliegen können/ geuß darnach ein grosse Vielheit fließens

des